



KHRISTIAN INKUAN

(Sam 127:1)

“Lalpan In a saklo chun a satute chu a gimthawn mai ahiu...”

Pathian panglo ah Khristian Inkuan siam thei ahilo ziakin gingu nu leh pan hinkhua hung mangto zelte a dng a chun ahun zawtto dinguh lampi haksa tak chu Khristian Inkuan siam hi ahi. Ziaziakachun, mitin in panlak ding dan i hiattthiam theina dingun zia anuia ah gual ahin tamlo chachan zak ngaitua khawm hitiu

1. A Suangphum (Foundation):

Inkhat sa ding chun amasa pen in a foundation kitup taka siam a ngai gual in Khristian Inkuan khat siamna dinga chun le a foundation siam tup masak a ngai hi. Sawlchak Paul in, “*Suangphum kiphusalo chu kuaman suangphum dang a phu thei puai. Zia suangphum chu Jesu Khrista ahi (IKor. 3:11)* ati.

Khristian Inkuan siam patna ding a chun a foundation/ suangphum ah Jesu Khrista a kul takzet ahi. Jesu’n tang chung a thugente laka chun Insatu mi pani ala gen ah, pkhat pa chun piaunel laka In a sa’n, gua a hungjun, tui a hung

lian in a In chu a hung susetai.

A dang khat pa chun suangpi chung a In asa’n, gua a hungjun, tui a hung lian in, maleh a In foundation a dt ziakin a sise zo puai. Khrista panglo ah Khristian Inkuan kidin chu piaunel chungah In-sapa taw kibang ahi. haksanat, buaina leh lungkhamna nei chacha a hung tun hun inle dingdet zolo in pukse mai ding ahi. Ziaziakachun, a suangphum in Khrista chu neiphawt inla, tak chuleh Khristian Inkuan chu din le chun suangpi chungah Insapa guala chun Khristian Inkuan dettak chu siam piting thei inla.

2. Abâng (wall) siam in:

Jesu Khrista suangphu chungah la din la Khristian Inkuan sudettu dinga chun a bâng (wall) kitu taka la siam ding ahi. tuni la dindaw ding In ah chun a bang ah la mat dingte chuh:

a). Kitimatna pha(communi- cation):

Tulai Khristian sungkuan tamtak laka buana tunsektu chu kitimatna pha umlo, a sia a pha kihiatuana neitheilo leh kihomattualona hi ahi. Numei hin pawsal hitaleh ama phasak dan dan ah khsak nawpna hi Khristian hinkhua nasatakin a subuai ahi. Nupan kipumkhat taka pangkhawmlo chu Setan panmun lemchangtak piakna ahi.

Genesis bung 3na lam kha i sim leh khawvel ah Inkuan masapen Evi leh Adam Insung ah kihotua ah kidawtua detdetna a umlo ziaka a Insung ua Setan in siatna a tutthu mu ahi.

Mikhat in a pawsal ahem, a ji ahem, a Pathian hem tawh phatak cha kihomat jinglo ah a changa ama lem

hiatna ah ahungtawi phat leh buaina chu a hung umsek a, zia chu pumpelna ding in suanlam ding hawlin, manithiam kichannate a hung piangdawkw sek hi.

Pathian in Aadam kiang in thu a dawtlai khan Adam in, “ Ka umpidinga lei piak numei khan ei pia hen, kenle ka nek mai ahi” atin, Evi inle “ Gulin ei them a ka nek ahi” atin, kitimatna a hung taksap tak ziakin, kiawimawtuana leh mani kithiam channa chu a hung um ta ahi.

La phatchuamna bangma a um puai, la manthei puai, panna bei la hi ti ah a salam ah kihituana hin Insung boruak nuamlo tak atut sek ahi. Ahinla, nupan kitimat jing, kihotua jing, kisawmdawltua jing, kiduattua jingnate bang ah mang in Khristian Inkuan pha chu dinthei hi bep ding ahi. Zia dinga chun kilunggual taka Pathian tawh kipawl jing mi hi chu a pawimaw ahi.

b). Ginumna:

Ginumna bang ah kium bitjinglo gingtu Khristian Inkuan dettakin a din thei puai. Nek leh chak hawlna hi henla, khat leh khat kal hi henla, nupan kal hin Pathian leh mihing kal hijiang lehle ginumna umlona chun bangma lamzang takin a chia thei theng theilo ahi.

Tulai Khristian Insunga nu ahem, Pa ahem, chate ahem amau ngawn ah Insung jianga le nutsia ngamlo tamtak muding a umta ahi. Zia gual Insung chun Khristian Inkuan dettak din in'au ti chu kinep umlo ahi-mai hi.

c). Ginumna:

Mihing hi bukimlo khawvela khawsa dinga bukimlo ah siam ihijiakun hepina panglo in Khristian Inkuan dettak din thei ahi puai. Khawvel ah thil um zosia hin chuai hun a nei chiata maleh, hepina hi chu tawp ni neilo nisin ah thakzel, thakzel thei ahi.

Mihing hi chau hun, basap hun umthei ahin, kihi-at thiamlo hun, zaidaw zawlo hun, taksap hun umthei ahin,

zia gual hun haksa atun hun inle hepina bâng a kium kual jing chu Khristian hin dingdan chu ahi.

Thukhakna:

Zia Khristian Inkuan pha din theina dinga, panlak dingdan tawmcha, mawl taka hung kisulang himaleh, a suk-pitin taktakna dinga hi dam-sung dai ahin, mihing hatna ahem, lemhiatna ahem ah bawl mathei ahipuai. Ziaziakachun, Pathian nei ah, ama beljinga, Ama tawh pangkhawmte bep-in a din thei bep ahi. "*Lalpan In asaklo chun, a satu chu a gim thawn mai ahi*"

Khristian Inkuan dettak lemdawk chiat thei dingin Lalpan ei sawm chiatta hen!

.....xXx.....

KHRISTIAN INNSUNG/INNKUAN NUAM UMZIA LEH HINATE

*Rev. Dr Hangpi Manlun
Moderator. Zou Synod*

1). Thumapui:

Awle, i thupi'u Khristian inkuan siamphatna ding a nu-le-pa mawpuakna tihi tulai igam dimun et in i kul-leh-pawimaw mama khat uh ahi. Chuleh, inkuan nuam chu hung pawng um mai ding ahipua, asung a chengte'n taksa-leh-thagau a pan ilakna ziaak ua hung umthei ding ahi bep hi. Chun, nu-le-pa khen khatte a ding in i chate hinkhua'u siamphatna ding in kikhel in i vaigeita maithei ua, ahin I tute chung bek ua etkawlna mawpuakna inei-thei nalai ui ti I hiatmil lo dinguh ahi.

2). Baibul in inkuan agendan.

I Lekhabu thiangtho masapen uh (Genesis) chu inkuan thu in akipan a, atawp-na Thupuan (Revelation) chule inkuan thu ma in atawp hi. Zi-aziakachun, inkuan hi leichung um til apat um, government-te, school-te leh kipawlkhawmna chuamchuamte um masang a le um masapen ahi. Chuleh, i Lalpa Jesu ngeile inkuan ala ngai/khawk hingei ding ahia, leichung ah kum sawmthum-le-thum (33)-vel a damsung in

le kum 30-tak insung nasep-na buai hingei ding ahia a chanchin, imu puau.

2.i). *Khristian inkuan paw-imawna asang deudeu hi.*

Lekhaziktu khat in "*Khristian inkuan chu a lawmpi (group) a, i gen uh ahin amun diktak a, ibuaipi peilo uh ahi*" ati ahi. A dik ma ma a, biakin leh holimnate lak ah i gen zing ua, a hin amun diktak ah kua-man I sempei taktak puau. Rev. John Stot in, "*Leichung leh Kochuam hawina ding in inkuan*

hawi i pawimaw ua, insung a hawi leh Kochuam leh leichung le ahawi hi” ati ahi. Ziabana, Rev. Dr. Kenneth Chap chun “Leichung chu bang tigual a um ding ahem, ti mai le hilo in, tulai tak leh dan tak leh, leichung hung umto zel dingdan etna (machine) chu insung ahi” ati ahi. Colson in ziagual hin agen a, “thildang bangma’n inkuan dinmun luazo puanna, inkuan a um lo leh chate’n hinkhua bawldawna dingin kingakna anei puau, inkuan panglo hindan ding a he puau, a hinkhua’u puitu ding chu amau taksa utna leh nawptatna ahi mai hi” ati ahi.

Nikhat Henry Grady in Washington khawpi a vaihawmna In lian (White house), chu a vak mu kha. Lamdang sa takin, “Zia Inpi hi maw i chi, i nam leh i gam (USA) piandawna bulpi, Pathian mitmu a nam lopi leh thupi bul kipatna chu” ati ahi. Ahin, hun chawmkhat sung in thingtang khawkhat ah a va khualjin a, azin tunnate chu Khristian hawitak ahiu a, a In neipan a zi leh chate Pathian

thu athu jaw dan leh gam leh nam a dia ala pauchap zing ahidan ahung muphat in “Eh gulichang (marble) akisa In thupi, i gam thiamna tung dingtu katia, ziagual a Khristian Inkuan hawi takte ziaka US gam kitung ding ala hijaw ahi” ati ahi.

2.ii). Khristian Inkuan kingakna (Foundation) chu Jesu Khrist ahi ding ahi.

Inlian leh lopi tak sa ding in amasapen in a kingakna (foundation) chu apawimaw masapen hi. Achutilo leh chawmlo kalin pukmai ding ahi. Ziagual ma chun, i Inkuan kingakna uh i Lalpa Jesu ahiding ahi. Billy Grahamin “La Inkuan kingakna uh Lalpa Jesu ahilo leh dantak le haksatna huipi in ahung muttak le dingdet zolo ding ihuu” atia a agendik mama hi.

Tu hin Insung hawina dinga nu leh pate mawpuaknate ngaitua/gen ding ihuu.

3). INKUAN TEKHINA LEH HINA CHUAMCHUAM TE GEN DING IHIU:

3. a) Insung chu kipakna mun ahi: Mizosiate chun i mizia uh

hawi leh hawilote chu i Insung ua kipat ah i khan dawpi uh ahi. Environmentalists-te chu Insung (Boruak) hawi chu a kul leh a pawimaw thu aha gen ui. Adiak in naupangte a khan hawina di'n akul sem ahi. Watson chun, "*Naupang bangti gual hung pia un, la dawigual un, nadei ba un kasiem/suohsah diing*" ati ahi.

Tulai naupangte leh nungak-tangvalte'n Insung ah kipakna ahawl ua, amulo jiaak un kipakna hawl in lawi gilote, drugste, zu, No. 4 leh gitlona tincheng bawl in a hinkhua uh a mang uhi.

Bible ah chapa taimangpa'n le a Insung nusia a kipakna hawl a mundang-gam-dang a, ava umlai in, a tawp ah Vawk kuang bul ah gilkiak in ava thi tavang ahi. Ahi'n a Inlam a, ahung kilekit phat in puan hawipen silsak in a um a, kengtawdap thakte, khutse-bi thakte leh vawk an ducha-pa chu bawngno thautak sa ne in a umtai. Chapa taimangpa chanchin pat hin a Insung chu kipakna leh damna mun ahi-

dan i muthei uhi (Lk.15:11).

George Moore in, "*Mite'n limna leh kipakna hawl in a Insung uh nusia in muntin ah vakvak maleu atawp a, a Insung ahungtung taktak phat le kipakna taktak mu bep ding ahi*" ati ahi. Samuel Johnson chun, "*La Insung ah kipak in, mundang a limna leh kipakna abukim puai, Insung a limna leh kipakna bep chu thillop ahi*" ati ahi.

3.b) Insung chu Skul (School) pawimawpen ahi:

Gamsa leh ganhingte khu apian ua kipat chawmlong kal sung in a pite tawh a kikhen pai sek ua. Ahi'n, ei mihingte vang i nute angung ua kum li (4) bang i um ua, ziazaw chule hawitak a etkawh leh kep i ngai nalai u'i. Zia chun Inkuan pawimawna a taklang hi. Laphuaktu in, "*Mihing tilo kuaima hil ngai um keilo*" atia lâ aphuak khu adik ma ma hi. Ziaziakachun, Insung skul ah chun nu leh pate chu ziltitu (teacher) ahi ua, a zillai bu zong ahi ngal uhi. Nausen khu a nu leh pate ziltitna gual guala khanglian ding in, anu malchung

ah hinkhua ahung pan a, apiak zosiau ne ding in, akam akah, ahil zosiau zui ding in a lunthim akihawng zing hi.

Margaret Destrack in, *“Ka nu khan lekha a zik ngai pua, milim le a zik ngai pua, ahi’n a hawina leh ngilneina leh a khut damtak kha ka hinkhua tungdingtu ahi”* ati ahi . Ziakachun, Insung chu naupangte um dingdan leh pilna-Thiamna a muna ding ua kiziltalna mun umsun ahi.

Pathian in le Inkuan sekul chu a thupiakte zuina mun ding in a dawhi. Zia a thupiakte chu Insung a hiltu ding in nu lehpate a ngansie ahi. Zia thupiakte chu... *“la cha la naute uh hil unla, In a la lup un le la vakdaw unle, la chawldam hun unle, na lasep hun unle hilzing un; La kawtkhakte unle jik un”* ati ahi (Deut.11:18-20). *“I mittha un Judate kizil dingdan ngaitua leu hin, nisin hunsin in nute’n a chate uh Pathian dante a hil un a zilsak ua, anute uh nawitui tawh Pathian thu a mekhawm sak ua, Juda naupangte lungsim*

ah chun dan thu chu a lungsim ua a kitudet bek tak ziakin amin nangawn uh le dan thu sang in a hemil baizaw’u” ti’n agen hi (The Daily Study Bible- II Tim. 3:14-17).

John Randolph in, *“Ka neulai in kanu’n ka khut a tu, a kiang ah ei khupdinsaka, ‘Kapa uh van a um ti a ei hil sek khu hedawk len Pathian um chu gingchalo ding ka hi”* ati hi. chuleh, Miss Lynch in, *“In chu thiamna ziltalna mun hawipen leh pawimawpen ahi”* ati ahi.

3. c) Insung chu sawlkar pawimawpen ahi: Insung kivaihawmna chu ahawilo a, a kituplo leh sawlkar lianzaw le a dikthei taktak ngai pua. USA gam a numei Politician minthangtak Albert Barkley le gam leh lei a it ma ma ahi. Azinna a kipat in apawsal chu lekha a thawt a, *“Sim bial zosia ka chuansuakta, malla lam le chawtsuak ka gua’i”* ti’n a pawsal lekha a thawt hi. Apawsal in *“Ngai um, i gam la lungsiat/veitaktak leh kintak in hung kit inla, i anhuanbuk apat in pan in”* a tisan hi. Tulai in

zianu gual deu a, gam leh nam vei/lungsiat kiti a, in leh lo, zi leh cha dawnlo zen a, i um sek khu i bawlkhial lianpen uh ahi.

3.d) *Insung chu thaichi kedaw-na mun ahi:*

Mrs. Manpal in *“Naupang chu thaichi ahi”* ati ahi. Nu leh pate nisin in i umdan leh paudante’u chu i chate’u lungsung ua thaichi i tu na uh ahi. ziakachun, thaichi tu chu nu leh pate i hiu a, a i tuna mun uh chu naupangte lungsung ahi. Bible in, *“Canu in anu sùn”* ati ahi (Ezekiel 16:44).Nu-leh-pate’n i chitu ua i pilvanlo uh le danle thaichi hawilo leh soal i tu khak ding uh a lau um hi. Bible in, *“Mi’n a tu tu at ding ahi”* ati ahi. Bible sung ah Nu lopi taktakte’n le a chate’u chu a neu apat a, ala etkawldan uh mu ding a tam hi. Hannah, chu nute adia ettawntak ahia, a chapa Samuel chu Pathian kiang ah a dawn a, ama kiang ah a pekit ahi. A chapa chu a an piak laite, nik-leh-puan a aksaklai in le Pathian thu hing a tu zing hi. Ziagualachun, Mosi nu Jako-

bet in le a chapa a kep laitakin, Pathian gin dingdante a hil a, ziaban ah, chi-leh-nam ngainat dingdan le a hil hi.Tichun, Aigupta pilna leh thiamnate kum 40 a zilzaw in a nu chitute kha ahung kekdwakta ahi.

Bible in *“Naupang chu a chiana ding lampi dik zilsak lechin, a tek nung tiang inle tha-suak ta puanah,”*ati ahi (Proverb 22:6). Chuleh, Timothy le a nu leh a pi etkawlna jiaak a milawting ahi thu i mu’u ahi. Sap thupil in, *“Naupang kum 7 ahi masang a, i etkawl leh a damsung in ei a, ahiden a, ahi’n naupang kum 13 chu a nung idelpha tapuai”* ati kit hi.

Tulai, nu-le-pa tam takte sum-leh-pai ngainatna lam ah cha-leh-naute enkawl manlo a sum-le-pai hawla buai i tamtai. Ziagual nu-leh-pate chu Martin Luther in Ostrict (Vakengsang) tawh a tekhin hi. Vakengsang in tui a thak zaw phat le a tui chu nusia in a ngaisak kit ta puai.Tulai nu-leh-pa tam takte cha-leh-nau nei a, akeplam ngaisaklo i tam ua, ziachu thil da um ma ma

khat ahi.

Chun, thildang la ngainat zawk ziak a, la chate enkawl manlo leh amau ading a hun la piaklo leh dan le kisik ding la hi. Mrs. G. Christian chun naupang etkawlna pawimaw dan leh amau a dinga hun mat chu a mantam dan a mu chiang mama a, ziagual hin la ala phuak hi. *“Lal chutpha lopi ma ah la din phat le thu kipak um tak la het ngei ding chu la hun beisate a thawn puai. Dawitakte tamna (Vangam ah) la chate zosia kim takin a um chiat ui”* ti'n a phuak hi. Ziakachun, la chate chu vangam lampi ahem, gawtmun lampi ah la chiapi ding? La chate la etkawl ziaka thildang la chan chu Pathian na lopi tak sem in kingaitua zingtan.

3. e) Insung chu kochuam masapen ahi:

Bible ah kochuam (Gk-eklesia) chu Pathian mite kipawlkhawmna genna ahi. Thuthunglui leh Thuthungthak ah khun, insung chu mimal malte kipawlkhawmna masapen ahi thu i mu'i. Chuleh,

umzia neitak a phu ahijiak in kochuam masapen le a tithei hi..Ajiak chu masanglai a kipat in insung chu sakhua thugin kiziltilna mun ala hijing hi.

Ziaziakachun, insung ahawilo ahileh kochuam le a hawi thei tak tak thu le igentau ahi. Eima insung dawnlo leh ngaisaklo a, Pathian nasep chu Setan daw i lamtak ahi. Pawlam a Pathian nuam i sak lai un eimau insung ah Pathian nasep haksa i sa ua, Setan in insung ah Pathian na i sep ua, i lawtin diing uh chu nasatak in ei dal zing hi. Insung a kikhawpna leh pauchapna nei theilote'n le biakin leh mundang ah i nei thei tho u'i. I zi leh i chate, i nu i pate uh sang in midangte i ngaikhawkwaw ua, insung a thagau mangthaite veilo in, gam chuam a thagau mangthaite i veizaw u'i. In thagau veilo in gam thagau ivei uh chu a dikpen a hipuai. Chuleh, Pulpit leh mun dangdang a tuitak a thu i genthei lai un, i insung ua gen ding helo in i um kit u'i.

Pastor khat in, *“Mun-*

dang leh Biakin sung a Pastor leh Pathian nasep chu nuam kasa, ahin, insung leh zi-leh-chate lak a Pastor hi chu thil haksa kasai” ati ahi. Agen dik mama hi. Susanah Wesley in, *“Setan in insung ahung do/be-ina izaw leh zalen ding i hiiu ti ka hiai. Thagau gilo leh sualte zothei dingin insung ah nasa-tak in pan i lak ding uh ahi”* ati hi. Ziakiakachun, eima chiat lawtingtaka Pathian nasep chu Lalpa ei dawidan ahi.

Chuleh, Pathian thu a taka i suklatna ding uh chu i insung uh ahi ding ahi. Bible in, *“Lungnemtak in kihaw-mthaw tua unla, khat-le-khat kingaidam tua chiat tau un, Pathian in Khrist ah nang uh le a hung ngaidamta ngal a”* (Ephesa 4:32) a tithu hi Insung a, ataktak a zui ding ahi. Ei un vang mipi tamna munte, Biakinn leh mun chuam chuam ah in a hawi leh dik in i kilak un, ahinla, i Insung ua i gial/zia uh adawk jel sek hi. Ziagual mite chu Jesu’n Pharisaite tawh a tekhn hi. *“Thansung ah gu bulawm a pumdim, a pawlam*

a kijut vam tawh a tekhn hi.” (Mat. 23:23-28). Aziakchu, adiak in kochuam puitute a dingin, Bible thugente hi a tak-tak a i zuina ding leh sepdaw-na ding mun chu i Insung uh ahi. Ahetu maite hilo in a jui leh a zawmtute le i hiding uh ahi (Jak. 1:22-25). I insung ua i lawtinlo ua leh mundang a i lawtinna uh chu a bukim zo taktaklo tina ahi.

3. f) *Insung chu Pathian nasepna mun (Pulpit) ahi:*

I gensa gual un koch-uam sang in insung hi a upa jaw, ziakachun, Pathian nasep-na le insung apat hiding ahi. *“Insung chu nu-le-pate a ding in i Missionary Field uh ahi. Chuleh, sem dinga i kipiak-ni uh chu i kichen ni uh leh i chate baptisma i chansak ni’u ahi. Ahin, insung a Pathian nnasepna i ngaikhawklo jiak un i bawlkhiajo tau”* ti’n Rev. Vanlalzuata in a gen a, agen dik mama hi. John Green inle, *“I chate’u utlo sa sa in gucha dingte, nawchi zuak dingte in i sawl jing ui”* ati hi. Khatvei chu tangval gilo khat khailup din-

ga umpa kiangah, Kua ahem la mu nawppen? ti'n a dawt ua le, Ama chun, “*Ka nu ka mu nuam pen hi*” ti'n adawng hi. Anu amu phatin ziagual hin a genta a, “*Nu, en in Court vaihawmtu in ei khailum puan tin, nangma ka nu la hi ei khailum jaw*” ati ahi. “*Ka naupan lai in, ka thilmute kipaktak in la lazel a, zia chun gukchakna lungthim ei putsakta ahi. Ka thilgukte kha kipaktak in la la zela, atawpna zia mun khailupna dawkan ahin lei dingsakta ahi.*” a tita ahi. Anu a ding in a vaigei in a kikhelta Ahi.

Ziakachun, insung pulp pit ngaisaklona chu سوالنا له چاته مانثائنا تuntu اhi. H.C. Anderson in, “*Tualthat-tu za a sawngiatte khu insung ki-etkawlna hawilo apat a tualtha utna lungthim nei ahi u'i*” ti'n a gen ahi. D.L.Moody chun, “*Ka nu'n ei etkawl gual ahin nu dangte'n le a chateu enkawl leu, suangkul ngai puana*” ati ahi..

3. g) *Insung chu سوال dona mun hawipen ahi:*

I thupil un, “*Sakhi api asan leh ano le asan*” atigual in,

insung ki-etkawlna ahawi leh mi ahawilo theilo ahi. Ziakachun, i piandawna insung a kipatin gitlona chu a hawilam in i hung khanletpi tau ahi. Insung chu سوالنا له gitlona kipatna ahileh gitlona dona mun ale i mat jawk ding ahi. I puk phat ua le i pukna mun laitak un i tho ua, i pukna mun chet un i tho kit sek puau. Ziakachun, i gam siatna bulpi chu i insung ahijiak in, i insung ma'i i kisiamphat ding uh leh i dinna ding mun le ahi

3.h) *Insung chu leichung tena (Barometer) ahi:*

Billy Graham in, “*Insung khu leichung tena (barometer) ahi ati ahi. Ziabana, Insung a naupangte, nungakte/tangvalte kivan dante a kipat in leichung chiadan ding bangchan ahem tiang a kihethei*” ati ahi. A umdan chu insung kivaipuakna ahawilo chun leichung hawilo lehsetak ale cheng ding ihui” ati ahi. Ziaban ah, kochuam hat leh hatlo le insung dinmun apat in a hetthei hi. Ziakachun, insung chu tena(barometer hawitak ahi.

3.i) Insung chu Vangam naipen ahi: Lekhabu ziktu khatin, “*Insung chu Van gam neu zaw ahi*” ati ahi. Ahin, insung kituaklote chu gawtmun teplawkna ahi kit hi. Mi khat in, Billy Graham kiang ah Van gam banggual in a nuam diam? tiin adawnga. Ama’n a dawnna ah, “*Van gam nawp dingdan la hetnawp le ka insung hung en lechin hethei inla*” ati ahi. A va-et leh a kituakdante uh leh nawp asak danteu amu in a pianthak lawta ahi. Chueh, Billy Graham in Camp, Crusade anei phat le Khristian Innkuan thu haw a gen kha-jel sek hi. Ziachun Insung a ngaikhawk dan a taklang hi.

Chun, Dr.Dehan in zle insung nuam umdan ziagual hi a gen hi. “*Leichung a Van gam naipen chu insung nuam ahia, chuleh, insung nuam chu PATE a ding in, LENGGAM ahia, NUTE a ding in LOPINA ahia, chulehCHATE a ding in PARADISE ahi*” ati hi. Ziabanah, Robert Sehuller in “*Power Ideas for Happy Family*” ati hin, “*Innkuan chu leichung neuca*

khat gualin a gen hi. Papen chu Lengpa ahia, Nup chu Lengnu ahia, Chate chu Leng chanu/chapa ahiu” ati ahi. Ziachun Pathian he insung dinmun leh hina tak a genlang hi. Ziachun, In chu khut a lam ahia, a sung chu lungthim a zem ahi a kiti ahi.

Lalpan i zil zosiate hinpi thei a, gasua thei chiat ding ei malzawl taken!

.....xXx.....

CHA LEH NAUTE CHUNGA GINGTU NU LEH PATE MAWPUAKNA

~Pu K.L. Muana, Salem Church

“Naupang chu a chiana ding kilawm/lampi chu hil inla, a upat tiang inle thatham puanah’ (Proverbs 22: 6)”

Nu leh pate a dingah a lotheilo chu naupang a neulai ah a chia na ding lampi zilsak hih ahi. I Bible in agen poimaw pen tw lakah ah pakhat a hi ziakin, nu le paten nguntakin ngaitua thak hitiu.

- | | |
|---|---|
| 1. La chateu hun tinin hil zingun .Deut 6: 7-9, 11: 18-19. | Mt. 18: 5 |
| 2. Nu gilpi sung apat gilosa ahi. Sam 51: 5,58: 8, Rom 3: 10. | 12. Kuale naupang supuk/mutawmlo di, Vansawlchak ten a veng zing un, a manthaidi Pathian in phal lo. Mt. 18: 6,10,14. |
| 3. Nu leh pa Gochan ahiu. Sam 127: 3. | 13. Jesu’n naupang te a ngainai. Mt. 19: 14. |
| 4. Mihat khutah thalchang gual. Sam 127: 4 | 14. Nu leh pa te thu a mat diu ahi. Eph. 6: 1, Kol 3: 21. |
| 5. Nu leh pate a din kipakman a hiu. Sam 127: 3. Lk. 1: 14. | 15. Lalpa thu nun na akai huai diu ahi. Eph 6: 4. |
| 6. Vuak ngai ahiu. Proverbs 13: 24,19: 18,23: 13 | 16. Naupang suk nawk lo di. Kol 3: 21. |
| 7. Tu leh chate hih upate Lal-lukhuk ahiu. Proverbs 17: 6. | 17. A lian aneu vaihawmna ding chiat di ihu. Thup 20: 12. |
| 8. Ngawlina naupang thinlungin aum. Proverb 22: 15. | Jia a chungah Bible chang I taklatte apat hin nu leh pate’n chate chungah I maw puaknau I hethei un naupangte hi taksa leh thagau |
| 9. Amau thu thu umsak chu Nu mualphona a hi. Proverb 29: 15. | |
| 10. Van gamah naupangte hi thupi pen di ahiu. Mt. 18: 4 | |
| 11. Jesu’n naupang te a lawp. | |

lamah puihuaina na hih I thatham thei guallo a hidan ei zilti ah, tichun tunungleh Gam leh Nam leh Kochuam lamah puitu suanum hung hinger inau.

CHATE ETKOLNA NU LEH PATE MAWPUAKNA: Proverbs 22: 6 ah chun a chiana ding lampi kawkmui in chutichun a hung pitin tiangin zamsan puanah. Thupil chun Thik a sat laiah sekin tileh “Well begin is half done” ati ahi. Naupangte etkol hun, zilti hun, thunun na piak hun a umah, zia hunbi sungah la zilti lo chun a pitin phat leh siam phazo ta puan la (Abul pat dik chu a kimkhat jawsa ahi).

Thupil chun kumkhat dai ding la daw leh bu ching inla, kim sawm dal ding la daw leh thingno phu inla, kum za 100 dai ding la daw leh naupang zil zilti in.

Thagau lamah chate pui huai dan: Naupangte thagau lamah puihuaina ding ah chun, amasapen in Khrista hukdamna lampi kawkmui ahi. Ziakiachun nu leh pate’n a

chate a puihuai theina dingun a masa penin Khrista ah hinna nu leh pate’n anei masak zet uh ngai hi.

Naupang te a neu lai ua pat hukdam hithei a hidan I hiat chetna dingun ngaidan tawmcha vak taklang hitiu:

1. Western gamah piangthak 100% lakah 70 hi kum 14 nuailam ahiu. (E.T.Recs).
2. Hatdeu nalai hileng chu ka hinkhua hi naupangte hukdamna lampi puina’n ka hun zosia mang ka. (P.W.Philpet)
3. Kum 14 nuailam Khrista kiangah pui hih khawvel ah nasep lakah nuampen ahi. (Dr. R. A. Torrey).
4. Lalpa naupang kum 7 nuailam ei pian a dangte chu midangten va gen na’n au. (Sr. Francis Xavier).
5. Ka chate piangthaklo ah pawsal nei dingah ka thak daw sangin than mual ah kumkhua kimu kit talo dingah thakdaw ka nuam zawi. (John.R.Rice).
6. Naupangte Khrista huangah puihut hi kochuamte nasep di him ahi. (H.A. Iron side)
7. Naupang pianthakna hin kochuam a suhat hi. (Dr.

Moody)

8. Tu leh tunungah Pathian nasepna pawimaw pen di chu Child Evangelism ahi. (Dr. Billy Graham).
9. Pawsal gingo /numei gingu chate thiangtho a hiu. (1 Kor. 7: 13-15).

Bangziakah naupangte Krista kiangah pui ngai a hia em?

1. Gilo sa piang ahiu. Sam 51:5. Rom 3:10.
2. Amau leh amu ki hukdamthei lo ahiu.
3. Naupan laiah hukdamna mu a bailam.
4. Satan in a suksiat masangin Krista lampi ah pui angai hi.
5. Pathian in kuama manthai a phal puai. Mt .18:4.
6. Hukdamna ni/Jesu'n naupangte a hepi hi. 1 Kor .6:2, Mk.10:14.

Naupang hukdamna hungah pui lut lopi dan:

- #kumtuang hinna chang di a hi ziakun
- #a hinkhua zosiau/gitlona josia nusia di a hi ziakun
- #a hinkhuau tamjaw Pathian/ amite a dingah a mat thei di ziakun

Naupangte pathian Khrista

kiangah bangti pui di:

1. Pathian thutak a pawimaw masa pen hi ahinla pitingte gualah jilti hi lovin, amawl thei tawpah genchet a kul masa pen hi (thup: 21&22)

Pathianin Vangam kumtuangah I um na diu mun nuamtak asiam ah, mi zosia umna ding in ahinla mawkiathei a hilo dan genfel piak angai:

1. Hukdam lote vangam lutlo di a hi danuh genchet piak a ngai hi. (Rom 3: 23, John 8: 21,24). Migilo a hidan uh genchet piak di.
2. Hukdamna lampi pilvang tak ah genchet di. (Rom 6: 23, Eph 2: 8, Tita 3: 8). Aziak chu nu leh pa thunun ziak ah vangam kai dingah kikawipal le a um thei hi.
3. Pauchap dante hil angai hi.
4. Hukdamna chang ding ah fui angai ui. (John 1: 12,13 ; Rom 6: 23, Eph 2: 8).
5. La piangthak tai ti piak ngaile a um ui. (Jn. 3: 36, Acts 13;38-39).

MILIMBU MAT A PHAI:

1. Gold colour (adum rong) Vangam etsakna ahi. John

- 14: 1-6. Thup. 21,22. Vangam nawpdan/mi zosia chia theilo ding a hidan gandi.
2. Avom (Gitlona) etsakna ah. Isai. 53: 6, Rom 3: 23. Gilo I hidan uh, gucha, lepchia, etc.
3. Asan - Khrista thisan etsakna ahi. Rom 3: 25, Heb. 9: 22, 1 John 1: 9. Gitlo ngaidamna ding thisan ei piak dan.
4. Akang (white) - lungthim thiangtho Jesu'n ei piak gena ahi. Sam 51: 7, Ezekiel 11: 19, 36: 25-27.
5. Ahing (Green) -Khang zing di etsakna ahi. (2 Peter 3: 18). Hepina ziak ah Jesu a hiatna khanglian zel ding tina ahi. Thagau lam khangtheilo chu piangsual tina ahi.

amau sangah lianzaw te za dan leh hepi dan ziltil ding ahi. Nuleh pate chu a et tawn (example) di ahiu.

2. In leng/khawlai leng um lai ah um dan di hil ding ahiu.
3. Nek leh dawn dandi.

Khawsung/khawtang mi-dangte in AGT leh khawlai ah um di dan ziltil di:

1. Kichei dan
2. Paudan
3. Tawidan
4. Hun matdan
5. Sum matdan
6. Tawmngaina
7. Hepina etc.

Lalpan a thu malzawm taken!

**INSUNGAH NAUPANGTE
ETKAWL DAN:**

1. Nu leh pa za dan, u te leh

.....xXx.....

LALPA KO INLA AMA TAWH KITAWN ZING IN

Pu. S.Kapboi, New Delhi

Keima hinkhua a pat ah ka ngaituana hung um, kei leh kei ki tilkhona le ka mat zing David leh Mosi te chanchin a pat tuni a hin thu tamlo ka hung ziaak a, simtute khat bek in le I phatchuampi dingu chu ka kinepna ahi

“Zia zaw a ni thum ni chun, Amelekte’n Nageb leh Ziklak a lakzaw na nung un; David leh a lawite chu Ziklak ahungtung ua, Amelek te’n ala haltum zawu ahi tai. 2. Numei te tawh khawsung ah um zosia, a lian a neu sal in aman tau ah; kuama chu thatlo in a pui un, ala chia mang tau hi”(1 Samuel 30:1-2).

Zia tak ah thil tung hi i ngaitua ahi leh lung ngai um tak ahi. I khawlam ah kile kit ah i tunphat leh inn zosia ala kihal ding I zi I chate, i suapi te ala um talo ding ti mai chu, kua cha adingin le nuam puana. (4), **“Zia phat a chun David leh a lawi te chu tha lehung nei talo khop in ha ka in a kap tau ah”**. Kua ahem zia gual dinmun tuak ah thafang lo di? Kua a hem insung mi ngaitak sun ah nuam sa um di? Kua ahem damlona tuak nuamsa um di. Kua ahem sum leh pai taksapna nuamsa

um di? 2018 sung ah la tuakte lungngaina ding bang zat bep alaum em? Kipakna le um intin dana ding le um in ah.

Mipite chu a zi leh chateu ziaakah chun a lungthim uh a na mama ah David chu suang ah selup a gaw ziang tau ahi. Ki nepna dang a mu ta puau ah, kinepna ding a nei talo uh ahi. David le mihing ahi tho ah, ama le a zite pui-mang lak in a pang tho uh ahi.

A haksatna leh a lungngaina chu a lawite a sang ah nep zaw le ahi diak puai. Ahinla khat leh khat a kibatlona chu a um sek hi. Mipite hawn David suang ah selup tilo chu lampi dang mu talo maleu, David in vang ama siamtu, bangkim hithei, Pathian apat lampi dang um thei ahi ti a gingcha ahi.

(8) “David in Lalpa a dong ah, “Zia pawlte hi ka delzui diam? Ka delpha nalai diam? ti in”

David in Pathian bangkim he leh bawlthei, a ma hiat-khel ah hia, a ma bawl thei khel ah bawl thei ahi ahia, Lalpa a dawng ta ahi. Zia tak ah David kamsuak hi I et ahi leh thil khat a kilanga um ah. Zia chu bang ahem I tileh, David in bang bawl ding ahem Pathian a daw-tzing lai ahin le a ma chu galte del ding ah ngaituana ala nei zo kei ta, phalna a mu leh delzui ngal ding ah kisa zosa a la um ahi dan hi muthei in a um ahi.

Haksatna, lungngai na, leh thepna zatchuam chuamte haw zia ah lungngai tak leh basam tak ah I um zing lai in le zia dinmun a pat I pawtdaw theina ding a chun ei ma ki-sazo in Pathian dawng le hin A ma'n I bawl ding ei hil ngei ding ahi.

Pathianin David kiang a chun delpha nalai in latin, la delphak bep hilo in kuama matsua umlo ah hung pui kit siksek ding la hi a ti piak nalai ahi. Lungkham siat laitak ah Pathian apat zia gual kamsuak chu heta mai lehin kua ahem thamuang lo thei di? Pathian a hun tak ah dawt khak chu aman tam khawpmai hi maw.

Bang gual lungkham-na tawpkhawk tuak in ki ngai leuhin le David Pathian bangkim hia leh bawlthei chu ei uh Pathian le ahia Ama dawng zing lehin thamuanna thu ei gen ngei ding ahi. Khawvel ah kinepna ding le um talo, kipa-

kna ding le um talo gual ah a kilat nung in le Pathian I dawt nak ahi leh ei a ding ah lampi ei kawi piak sa um zing ahi ti hi hemil puai tiu. Ziaziakachun, tukum hile hung liam intin kum thak hung gal kai ding i hia. Khenkhatte chu I it I ngaite'n kumtuang gam ei la zawt sanzaiak ua thawmhauna tawh hun mang panta le um hitin. Insung haksatna chuam chuam zaiak ah lungngai tak ah um le um mai thei ding ihi. I thagau lam hikhua'u ah le thil zat chuam chuam zaiak ah dinmun niam tak leh lungkham tak mai a I um laitak le ahi mai thei. Eima khua hiatna mai ah I kinga, Pathian I dawtlo phat leh kinepna ding a um ngai pua, I bawl ding le I hia seklo uh ahi. Lalpa'n malam ah thamuanna ei kawi piak hia thei dingin Ama dawng hitiu.

Zia lai a chun mi 200 te chu a chau tak zaiak un Besor guam khel chu a chiata puau.

David chun mi 400 te tawh a delzui pek tau a. 200 te chu a nusia tau ahi. Lungngaina tawpkhawk a tuak lai un Pathian hatna suang ah galte delzui dingin a kipan dawk ua, mi 400 bep tawh Besor guam gal kai ah Amelekte'n a puimang zosiau a hung pui dawkit gual un, hun chia sa ah bang gual in haksatna, lungngaina ala tuak ta leuhin le Lalpa hatna suang ah, A galdozel ding leh a Lalgamna sepding tamtak umte semzawmto zel ding ah kum thak gal kai dingin Lalpan ei dawi ahi.

Sinai tang ah Mosi a va cham kal in Israel mipite haw chu a kisubuak zotau ah. Bawng no lim ho in, a kiang in kithawina a la nei tau ah. Pathian a chung un a lung a na ta. Mosi kiangin, *"Nangma tawh Aigupta apat la hung pawidawte tawh ka hung tiam piakna gam zuan in zia tak apat hin chia dawk tau in, la ma-ang in vansawlchak-*

khatsawl ingka tin, Kanaan mite, Amor mite, Hit mite, Periz mite, Hiv mite leh Jebus mite hung deldaw sak ding ka hi. Khuaizu leh Bawngnawi a luang, gam pha lam a chun chia to un; himaleh la lak ua um in hun kitonpi talo ding ka hi....”a ti ta. Mosi chu Pathian in vansawlchak pui huaina thamuan um tak leh nam tam takte chung ah galzawna a tiam ah, himaleh Mosi’n zia bep huntawk a salo ahi.

Mosi’n Pathian kiang ah ala gen hawi mama khat chu bang ahem I ti leh, (Exodus 33:15) *“Ka lak ua la hung panlo ding leh zia tak ah kipat hin ei puito da ziang tan”*, a ti hi ahi. Bang gual in zawna chang ding hi leh le Pathian a lak ua a panglo leh bukimlo ahi a he chian mama ah Ama pawlna chu a dawn tun tun ahi. Pathian in a dawtna a lawting ta ngei ah, *“Ka chiasan masia ka khut in hun*

hum ding ka hi”, a ti ta ahi.

Lungngaina leh lungkhamnate tuak kawm ah Besor guam galkai a ngai ah. Kipakna leh lungawina I nei zing lai leh lawting leh malsawmna dawng ah I ki ngai lai inle Mosi gual ah Pathian bep tawh malam zuan nuam ah kum thak lut to hitiu.

A malsawmna I dawn teu, damtheina, sum leh pai, nik leh puan, In leh Lo hawi tak tak I neiteu bep tawh kumthak lutto hi tiu khai. Zia te haw sang ahin Lalpa nang la panlo ding ahi leh kumthak ka lut a thaman puai, nangma chauh tawh lut ka nuam hi ti thei ding in kisa chiat hitiu.

Lalpa’n a thu malsawm ta hen.

.....xXx.....

LA DINMUN

Text: Hag.1:7; Exo. 3:5.

~Evan. T.L. Mang, Compound veng

***“La lampi teu chu ngaitua phau in.
La dinna mun kha mun thiangtho a hi”.***

Thumasa:

Tulai khawvel ah gingtu tam tak te hi i dinmun uh helo tampi i um un a kilang a hi. Dinmun chuam chuam gen thei ding i nei ua, himaleh, tam tak hi i dinmun tawh kituak ah um kha lo i bang ui. I dinmun teu chu: ***Kochuam upa, Pastor, Evangelist, Kochuam komiti member, khanglai puitu, numei pawl puitu leh puitu hina chuam chuam*** bang a hithei hi. Banggual dinmun in um maleu hin i dinmun tawh kituak ah i umlo uh chun mite jana leh dawisakna i chang thei ngailo ding uh a hi. Publilius Syrus chun, ***A dinmun tawh kituak ah hing theilo mite chu midangte dawisakna chang tak a hi puai*** a ti hi ngaitua kham a ting hi.

**Dinmun tawh kisai ah hiat pi zui ah hing ding ah ka hun
ding ah pawimaw:** teldaw la hiu a, keima ei hemil

**1. La dinmun tawh kituak in hi. Ziaziakachun, *La lampi
hing in:* teu chu ngaitua pha thak un_**

ti'n a hil a hi. Tuni hin ah la dinmun ding ah Lalpa'n a hung guat piakna gual ah la umlo chun, mite nuisan leh simmaw hi ding la hi. Mani dinmun helo i

Israel chate le Pathian in a dinmun ding ua a guat piakna gual ah a hin taklo ziak un, Jawlnei Haggai mang in a kuang un, la chiana lampiu a dik ta puai. Pathian hing lam-

pung deu deu ua, Kochuam upa, Pastor, Evangelist leh Kochuam puitu hi ngal, **_nekguk-na kibual zing, zawlsai zing, zu dawn thei zing, lepchiana dim, ginumna neilo, sum leh pai ngaina, du-amna dim_** mu ding tampi a um zo tai. La dinmun en thak kit inla, la dinmun suichian in. Iron Micah chun, **_Mani dinmun hechian lo te khel ah mi lawsam zaw a um ngai puai_** a ti hial a hi. La dinmun helo a, nangma dawi dan dan ah la um zing chun, nang mi lopi gual in kingai malechin le mite'n hun nui-san ding a hui ti hemil kinla, la dinmun tawh kituak in hing in.

2. La dinmun in kijapi kin:

Khristian ka hi kiti zing ngal a, Lalpa'n a piak a hina dinmun ah lungawilo bep hilo in, a dinmun jachakpi i tam ma mau a hi. I hinnau selguk-na ding in mi dang duplicate

gual ah kilat ding i nuam zawu a bang hi. Tangvalte bang eima neisa hilo, midang neisa kikkawppi in, mi gari, bike khel in nungak i hel ngam tau a, nungakte ang ah nei lopi a nei gual ah kilat bang i nuam ui. M.K. Gandhi chun, **_Mi'n a hina zachakpi lo ah, khawimun ah le a dinmun a niam a san thu hilo a, a kepbit ngam chun zia mi chu mi thupi a hi sek hi_** a ti hi a dik a hi. Khawvel mite'n bawn a hinau a zachakpi lo ua leh bang zia ah Khrista gingtute'n i hinau zachakpi ding i hui em? Khrista thisan man i hui a, thisan ah taddawsa te i hi tau ti hemil lo in, i dinmun uh hechian in ding det hitiu.

3. La dinmun khel in kingaisang in, kingainiam talaw kin:

Tulai mihingte lak thil-tung da-um ma ma chu- mi ama hina khel ah kingaisang talaw te leh a hina khel ah kin-

gainiam talaw te hi a hiu. Thil him him hin huntawk a nei chiat hi ti hi hiatmil lo ding a hi. Mani dinmun zachakpi a kisimtawm ziang, mi lak ah le pang ngam lo hi chu a dik puai. Kingaisan takluat ziak ah mi zosia bangma ngailo a, eima bep thupi kisak ziang ding le a hi diak lo a hi. Mosi le mi nuainung leh bangma hilo gual ah a kikawi lai in, Pathian in hampa buk lak ah kipat in a hun ko a, **_Mosi, la kengtawdap kha sut in, la dinna mun kha mun thiangtho a hi_** ti'n a hun ko a hi kha!

Cyprian chun, **_Mani dinmun helo te chu kochuam leh khawtang a ding ah natna hik tha theilo tawh kibang a hi_** a ti hil a hi.

La dinmun kha hechian inla, mi dangte a ding ah nawpphak hinkhua manglo ham ding in chingthei in.

Thutawp:

I umna, i chutna mun tawh kituak ah um mai ding hilo in, gingtute hi hina/ dinmun chuam bik nei ding ah Khrista thisan ah tatdaw te i hiu ti kihemil lo in, khawimun ah la umna'n le, Danial leh a lawite gual in, ginumna tudet zing pum in, i ginnau tawh mituak ah gasua zing thei ding in, la dinmun hechian zing in.

.....xXx.....

CHRISTIAN INSUNG

Text. Joshua 24:15

~Upa S.T.Lianboy, L.Mission Veng

Awle. mihiam in umna leh chenna inei In kiti hi i dam-sung ah chawldamna pen leh i khawsaknau munpi pen a hijiakin a nuam ding leh a hawi ding pen, a ngai umna pen a In ah i nei ding ahi. Ahinla, kuale gingtu himaleh Khrista bello leh ngai-saklote di'n vang nawpna, kipakna um diak puantin, khawsung, kochuam sung, gamsung leh namsung ah khantona, machalna leh Christian insung tung puana.

1. INSUNG HI KIZILNILNA MUN PHAPEN:

Lekhabu khat ka sim chun Miss Lynch in, "*Insung hi lekhatiamna ding in, kizilnilna mun phapen ahi,*" ati. Biak In leh School bep in thiamna a buting zopua, a kithuapi ahizawi. Keima ngei inle insung hi kizilna masapen school hi ding in ka gingchai. Etsakkan; naupang sia leh pha (conscience) nei nailo, henailote boarding ah kum tamtak umten nu leh pa hepina, lainatna leh tradition lam ah a basam sek hi. Um saklo ding vang tina ahi pua,

insung ah kizilnilna a pawimaw dan i vak suklat nuam ziak ahi. Aziakchu, insung ahin tak-sa thu ahin Pathian thu ahin school bep ngansia lo in insung le school masa mang lehin law-tinna umding in ka gingchai. IITim.3:16na le i sim leh Paul in Timothi i zilnilna i mutau hi. (Ps. 119:105 simbe hitiu).

Pathian thu hi Gnostic haw gual ahi puai. Gnostic haw tuhil vang amahawn a siam kawm uh ahin, Pathian thu le amau dawi dan dan in a pui un, a thuhilteu aleng ah cult ngen a lutin a pha chuam puai.

2. CHRISTIAN INSUNG HINDAN DIKTAK:

Philippi 1:27na Paul in i umdanteu Christa chanchinpha tawh kituak sak phawt hitiu, atigual ah umte; Thupilte 22:4na ah Solomon in, kinalgainamna leh Pathian launa chu hausakna zaumna leh hinna ahi ati. Bible in ei hilte hi jui thei leuhin chaten le ei entawn intiu in, a nu leh pa za in a thu'uh mang intin uh, nu leh pate leh chate hepina'n um tantin, ziatak chule Christian insung diktak chu hung umthei tan a.

Billy Graham in, "Insung ah kipakna leh insung sunawptu chu Rom 12:9na ah Paul in Rome kochuamte kiang ah, kihepina chu dawha panglo hihen eiti piak gual in kilungsiatna dik nei leh insung ah kitaksanna diktak nei chu ahi," ati.

Eihaw'ne insung in iji, icha, inu ipa kal in neitheileihen insung nuam, vangam naipen chu himai ding ahi.

3. CHRISTIAN INSUNG AWCHAK UM:

Luka 2:25-34na, Juda mi pani Simeon leh Anna etawn tak leh awchak ahinawak holim khawm hitiu.

1. Bible sungah Simeon hi guka um hi, himaleh a dang chu haisan phawt hitiu in zia Simeon hi Pathian a dinga kipezo, Lalpa Khrista a mu masia thilodinga thagau thiangtho Simeon gual ah mu leh lawp tapo a tiu pakha ahi.

2. Anna, Asher phungah Phanuel chanu ahi. Ama hi meithai ahitai. Pawsal a neijaw kum sagi tin kum in a pawsal in a thisan tai. Kum sawmgiat leh li(84) hial meithai in a um hi. Him:aleh, amahi Bialin nusialo, sun leh zan ah anngawlin pauchapna a neijing sek hi.(36-38).

3. Martha leh Lazar suai[inu Mary hin Jesu tawh a kimu tuau a khan thildang sangin chanchinpha kha a ngaisak jawk theina pen chu ahi. Awchak a um theina pen

chu(10:39).

4. guipi tawh kijawp ah gate(-Jn 15:4), van ah Pa dawigual bawlte haw zosia chu, awchak um leh Christian insung nuamte chu ahi. Lalpa lopina chanta hen!

Suapite haw Christian i kiholimnateu hi Paul in Rom kochuamte kiang ah, ‘Unaute haw bat i neiui,’(Rom 8:12) eiti piak gual leh a chung ah point thum(3) i genteu hi gingtuten i lungthim un bawlding leh sepding, juiding ah bat ah ngaithei chiat leuhen Christian insung nuam chu kichang chiat tan ah tin ka gel hi.

Joshua chun Israel upate, puitute, vaihawmte leh hotute chu Shekem mun ah a kokhawm in Israel Pathian hugente chu a gensawn a. “Malai la puteu Tera, Abraham leh Nahorte chu Euphrates lui sualam in a chenlai ua pathian dang a ho uh kha a lungawi puau,”Jos.24:2. cf.judge 6:10). I pawimaw dungjui un gamte,

nek dingte apia, galtin a do lai unle ka hukdawk ah, ziaziakchun la puteu in Mesopotamia leh Egypt gam ah pathian dang a hoteu kha paimang unla, Lalpa lau unla gin um takin a nsasem un, atigual in tuni hin Lalpan nang elh kei khawvel ah ei pui sethei leh i ngaichatte, ei pui sethei Lalpa dawilo lam, i bawl leh igelte haw chule i puteu milim ho tawh thakhat ahitak ziaikin in nei khak chun sep than Joshua gual in kei leh ka insung miten Lalpa na kasepdiu ahi atigual ah tithei chiat din in Lalpan a thu ei malsawm piak ta hen!

.....xXx.....

NAUPANGTE TILKHONA DING AH PAUKAM KI LAWMTÉ

~By: *Thangzuankhawm*

Amasan zia article tamlo cha himaleh zikthei dinga theina ei petu Lalpa chu chawihawi in um hen la! Chuleh simtute zosia le Khristmas leh Kumthak Chibai ka buk ahi.

Awle, Mihing in I tup leh ngim I tun theina ding leh I lawtin theina ding in, khat leh khat kihutua theina ding leh ki-tawsawttuana hawipen ahi leh lungthim nawpna ding bil ah hiat ding thu hawi la hawi gen ahi. Lungthim damna hin mihingte a suhat in, a tup leh ngimte le a mualsua sakthei ahi. Mikhat in pakchatna paukam khatmai a hiat chun, thani sung a lungthim nawpna'n a neizo hial hi atiu ahi.

Zia tawbang chu ahileh, a biktakin naupangte paukam hawi leh nem in hothei zing in puihuai thei zing le hin daw i a um ma ma hi. Ahin,ei thingtang mite hi I lungneu zia uh a diam, I lungsiat zia uh ahi diam, khenkhat in aw nemtak in enkawl theileu hin le, a tam zaw nu leh pate hin pakchat sang in gai gai ziang akium ah, gai gaina hin siam phat lam sang in phatlon a tunzaw sek ahi. Ei sanga nampit ingzawte leh changkang zawte'n vang Naupangte hi piting tak in a enkawlthei uh ahi.

Zia gualma a chun,

America mi lekha zik khat “Jeff Smith” kitipa hin naupangte lekhazilna tha petheitu leh tawsawt theina ding a kam-pau kilawm leh hawi matding agente chu a nuai ahin tamlo cha ala en hitiu.

1. Bawi ken nang hung gingcha leh hung muang kahi.
2. Bawi, ziagual hun ah la thil-bawl dante haw hung kipak-pi ma ma ka hi.
3. Tuni Semzo nailo le chun le la hung kipatdaw him him le thupi ka hungsa hung kipak-pi ma ma ka hi.
4. La thil hi dante thiam ka hung sa e...

5. Nang tawh kivawp nawp ka sa e..
6. Nangpi hi mipawl nawp tak la hi e...
7. La fel taluai, la kihelna thang hawle la la hethiang pai pai sek a.
8. La nui phatleh le la mel a hawi taluai.
9. La awgit, la lasak git ka hiat phat leh le nawp ka saksek dan..
10. Pathian in nang ka cha dinga a hung piak ka kipak dan..
11. Nang umlo lechin ka chimsek didan..
12. Zia gual ngaidan la neithei pil ka hung sa ahi.
13. Kei sang in thil hidan thiam ka hung sa zaw'i.
14. Ka gingchak sang in thiam ka hun sa zaw'i.
15. Nang hung panpilo lechin maw kei ngawn ah semzolo di ka hi.
16. La sepzaw hat ka hung sa taluai.
17. Kuama mulo ale zia tawbang thil lah la hizaw chu mi kitak tak la hi.
18. La thilhite kipakpi um ka sa taluai
19. Ngaidam in aw.
20. La kianga um nuam kasa taluai.
21. La thil hi dante hi mi kukal ma ma la hi.
22. Ka thumang thei pai pai ka cha la hi kipak um ka sa taluai.
23. La lawite la kiholimpi dante leh la hiatthiam dante pha kasa e..
24. Ka hung kolo inle la hung panpi ziang sek a pakchat la um hi.
25. Nang kei a dinga malzawl-na la hi.
26. La lungthim a hawi taluai.
27. Milaka um dan leh mite zadan la thiam la nu leh pa ka pan khak ka kipak taluai.
28. Misanga chungchuanna khat la nei ei maw.
29. Ka hung hethiam hi, zia chu la tuplopi ah la hikhi-al khak ahi zia kin, kisikna lungthim la neithei a ka hun kipakpi hi.
30. Zia gual ah home work tam chule la by heart zawziang chu la lungthim le hat ka hung sa ,gun chu le ka hung sa taluai.
31. La kamthiam e, ziagual la gentheichu.
32. Ken hi thei ding aka hungingchakmawngahi.

33. Nang thiam ka hung sa pen hi.

Zia a chung a naupang etkawlna dinga paukam kilawm, naupang tha petu leh su thanuam thei dinga gin-chak tamlothe hi a leng in vang kimangthei khello mai thei, ahin, matthei dan dan in a dia-

ka nute hin mang chiat theileu hin naupangte'n phatchuampi ma ma ding un taksan a um hi.

Lalpa'n, mangthei a lawkpi theichiat ding in sim-tute zosia ei malzawlta hen.

.....xXx.....

PHUNGVUKTU KIBELAP ZEL

Pathian zal in mapuina "DAMNA AW" hi issue Vol-II na tiang tungthei ding dinmun ah i um ziak un Lalpa chu pakin um ta hen! Tuchung ahin le "DAMNA AW" panpina dinga tawmngai hun suate suklat ding a um kita, ziate chu:-

- (i) Pi. Nem Grace Boisi Capvung of Delhi - **Memorial Gift Member**
In loving memory of Pi.(L) Vanlalchhuangi
- (ii) Pu. Lemthang of L.Mission Veng- **Supporting Member**
- (iii) Pu. Pu. Damthang of Saipum- **Encouraging Member**
- (iv) Evan Thianlam of lingsiphai- **Encouraging Member**

A chung ah kitak lang malsawmna ziaka na lopi tak mai semte haw zal ahin 'DAMNA AW' hi man tawmcha i la chawkt thei uh ahi ziak in i kipaknau a sang mama ah, a chung un kipak thu i genlo theilo uh ahi.

Editorial Board.

Tuhun ah I gingtu hinkhua'u

~Pi. Ngaineihat, PWF Chairperson

Elimelekte sungkuan, Moab gam in a chiau ah, ahung chengden tau hi. Naomi pawsal Elimelek chu ahung thita'n. A chapate ni chun Moab numeite zi'n anei gel un... Mahlon tawh Khilon chu le ahung thi tau a...Ruth 1:2-5.

Elimelekte sungkuan hi kumkhat val Bethlehem ah kialtun sung Moab gam ah va um di lungthim nei ah chia le ahimaithei ui. Himaleh, kilekit pai chu thilbai lam ahi pua, a umden tau a, siatna tawpkhawk a tuak tau ahi.

Mihing hin lampi diklo I zuikhak laklaw phat leh sawtlo um ding, neukhat bawl be ding ti ahithe i tak tak puai. Damdawi khamthei bawlte, zu leh sa kibualte, numei leh-pawsalna kihelkhate leh gitlo chuam chuam ah kihel kha vanglakte'n a lim in sawtpi bawl gua a um puau a, sawtlo cha kibualpi ahi sek uh ahi. Himaleh, a hawilo dan a hiat-chian phat uh leh, kilekit ah haisan gawsek maleu, a tawp-

khawk a tun masiau a suakcha theisek lo uh ahi. Ziaziakchun, a damdawi hawipen chu a bul apat thil gilo ah va kibual khaklo apha pen mai ahi.

Elimelek hi Moab ah a um sung un a hung thita. Thina ding mun hawl ah chia a bang ziang ah. Mi gam ah nek ding neilo ah a umnau ah insungpawen hung thi chu mualpho um tak hin a.

Mi Pathian tina mun ah umlo, mani utdan leh lunggel dan ah a umphat le ama chu Pathian thuneina a thisek ahi. Pathian in achung ah thuneina nei talo in, gitlona'n thu a neitak ziak in siatna ah puilut in a um sek uh ahi. Elimelek a thitak ziak in a zi a chate'n dawt leh biak dinga nei taklo gual un.

Pathian thuneina I chung ah ahung bei phat a, mi thuneina I chung ah a hung beiphath leh mi thil hithei tak leh dawttakte le thil hitheilo leh dawttaklo a hung suaksekh uh ahi.

Lal Solomon mipilpen himaleh, Pathian sang ah thupizaw thildang ama ah a hung um phath in, a lalgam chu a huikhawm theita pua. Haksataka a pa Lal David in ala tun din hinapi'n, a thi nung in phelni ahung kisua ta mai ahi. A tawpa Israel mi zosia Babulon ah saltang in a um nalai set uh ahi.

Nu leh Pate Pathian sang ah thunei zaw thildang eimau ah a umtak ziax in, I insung uh I huitupzox talo uh hilo maw? I cha I nauteu setan salin a tangzox tau hilo maw? Elimelek a thi phath in, Naomi chu meithai ahung hita, hun chiasa a za umna zosia a hung beita, mite musit dinmun in a hung ding ta ahi. Zia gual chun, Pathian a panlo phath leh vang chu aw, banggual in thupi lehin le I za umna zosia leh I lalna hi tawm sek ahi. Samson le Pathian in a zamsan

hial phata khan, a la hat ma ma hileh le beidawng in mualpho tak in a um mai ahi kha. Elimelek a thi phath in, Malon leh Khilon chu nauchaga a hungsuak tau a. Thagau lam ah le Pa thi tamtak um ngeihitiu. I chateu haw hi thagau lam ah nauchaga a suakzox tau a, siatna leh beidawna tilo ngal maban ah kinepna ding neilo tamtak a um tau ahi.

Elmelekte sungkuan, Juda gama kial a tun ziax ah Moab gam ah a pemlut uh hi Thuching in "*Gallu lau atai in gallu a tuak*" ati gual in. Moab gam ah a va pemlut bep uh dawikhawplox in a unau un Moab mi zi'n a nei gel tau a, a lut thuk deu deu tau ahi. Mun lau um apat mun lau um zawdiak in a lut tau ahi.

Pathian taisan ah Naomi gual a Moab phaizang ah cheng I tam tau ahi. Elimelek thi nung a le um mun khual deu deu hileh kilawm. Khawvel ngainat ziax ah I pawsalteu zu leh sa, gitlona chuam chuam ah kibualte I vuiliam nung ale, I chateu Moab nungakte

zi ah nei sak sak nalai hileu hin I kilawm maw? Banglam hem khatbek ah lawtin kinem in I kihel zawmzel a, a tawpa le I nei zosia manthai gual in, khawvel lopina del ziaka siat-law, manthai law tamtak ki um ta, a um nalai le um, a hung um zel ding le um nalai I hiu.

Naomi hi a chingthei paw ma ma in akilang ahi. Juda mi namdang tawh kichen thiango ahidan ala geldawlo hi. Ezra leh Nehemiahte'n a la buaipipen uh le Juda mi namdang zineite ahiu a(Neh 13:23-31, Ezra 10:1-2)Tulalai Nu leh Pate haw le I makpa leh I mo ding in Pathian ah hinna neite sang in, in leh lo thupi tak tak , sum leh pai haute I telzaw sek uh hilo maw! Lota gual in khawvel thil ah kichawm lut a, Sodom phaizang ah a kichawn lut gual in.

Naomite inkuan le akichawnlut zel ua. Pathian lam ah kilekit ding in sawina nasatak a thawk uh a ngaita ahi. Tulai hun hin le ziagual Khristian hi kitam ma ma ta

in a lang ahi. Chingthei taka umlo, I nawp sakna ding ahi phawt le mi siatna ding hileh le khawksalo. Moab nungak melhawina nei hip in ei valzo gamta hilo I hiu em?

Naomi chu a pawsal in a thisan bep hilo in a chapate ni'n a hun thisan kit nalai ua, Buting tak ah Moab gam ah pemluttute kha, tuzet hin chu meithai pathum a um khawm ta mai uh ahi. A tawp khawk a hung tungtau ahi.

Tulai mi tamtakte I et phat le, Moab mi zi I neikhak zia ah meithai hung hi paiziang I tamta ngei maw! Nek di tasamlo ding leh lawkna ding kineppi in aki pan dawku ua, beidawnna tawpkhawk a tuak tau ahi. 1Tim 6:9-10 na, Hausak nuamte chu thepna'n a lutsek un, thil ngawluhuai leh a hisethei nawpnate thang in a awk un, ziate chun siatna leh manthaina'n a timul thaw saksek ahi.

Naomi beidawng tawpkhawk dinmun ah hung um phat in Bethlehem lam ah kilekit ding in akisata. Lal-

pa'n nek di pia a mite a vethak dan Moab gam ah ki pat in a heta. Naomi'n Bethlehem lam enlo ah Moab gam ah a lungthim a kawi laisia khan Juda gam ah Lalpa malzawlna tung a hepha him himlo ahi.

Ziagual a chun, Pathian kiang ah kilekit utna lungthim nei a Pathian lam mite'n a et masiau chu, Pathian a kipat malzawlna umpen a muthei ngaiseklo uh ahi.

Naomi hi beidawn tawpkhawk mun ah adin makhan chu Bethlehem lam ngaitua phak in a neilo ahi.

Mihingte hin le beidawn tawpkhawk I tuak masia Pathian I pawimaw dan hiatdaw a haksek ahi. Luke 15:11 chapa taimang khan le a beidawn tawpkhawk phat in, a pa kiang lam a kilekit utna lungthim a nei a, chun, a pahausak dan a hedawk thei pan ahi.

Moab gam ah um himaleh, Naomi'n kilekit utna lungthim a hun neiphath in. Lalpa'n kinepna lianpi ama ah kawi in, a kilekitna ding lampi a bawl piak gual in, nang leh kei

le khawitak mun in vakmang male hin Pathian zangaina ziak in chanpha chang ding in Pathian hepina'n ei ngakzing ahi aw.

Moab gam ah Naomi'n thilphalo haksatna a thawkte'n Kanaan gam a lunggul sak kit gual in. Pathian mite'n zia leichung ah haksatna, gentheina leh thilphalo I tuakteu hin Pathian gam ei ngaisak sek hi ti a kilang ahi. Leichung ah haksatnate'n I Pathian ei naisak in lunggulna ei nei saksek a. Lalpa lam ah eipui kittu ahiziak in, ale lam ah malzawlna ala hi zel ahi.

Pathian lemguat dan hi danglam tak ahi, Nemtak ah a kolai ah kilekit nuamlo te, haksatna'n a kosek ahi.

.....xXx.....

CKKP GOLDEN JUBILEE REPORTS:

CENTRAL KHRISTIAN KHANGLAI PAWL 5th BIENNIAL & 52nd CONFERENCE CUM GOLDEN JUBILEE CHU LAWTING TAKA MATZAW AHITAI

A chiata 17th-20th January, 2019 sunga khan Central Khristian Khanglai Pawl, 5th Biennial leh 52nd Conference Cum Golden Jubilee chu Pathian mapuina zal in kipak tak leh lawting takin “La thilbawl lopitakte chu khangthakte’n gensawn zel ina’u” ti thupi mangcha’n Presbyterian Church, Leilon Vangkhua in matzaw ahitai.

CKKP in Golden Jubilee lawpna program ahin kum dang ah khawmpi tawh kibanglo deu in Jubilee kum ahi tawh kitawnin NSSU zillaite le a thanuam chan pangthei dingin zalenna piak ahi, chuleh khawmpi hun sung zosia hi common mess ah guanggal ahi. Malzin 580-600 kikal vel giaklut in hun nuamtak in a kimang hi. Khawmpi hun sunga kimatchak dan tangpi zia a nuai ah gual hi ahi :

Dt. 17th January, 2019 tunkim zan in Upa Khupmang, Moderator KSP in meisel chu Hall sunga delut in Khawmpi hawna leh malzin lawplutna hun a mang hi. Pro. Pastor Pau-neithang, Pro. Pastor D. Robert Thanga leh Pro. Pastor Seilunlal te chu Zingkal devotion puitu in ei pan piak ui. Devotion matzaw sin leh Career guidance (Seminar) nei ahia, Seminar paper latute leh a thupi mat uh chu;

- i). Dr. Kh. Thianminlian Vaiphei : “Spiritual goal”
- ii). Ms. Tingshi : “Agricultural profession; Career for the youths”.
- iii). Dr. Haokam : “Higher education”.
- iv). Pu P. Vaiphei, IAS : “Christian youths and career building”.

Seminar latute’n Khanglaite a dinga thu mantam taktakte ei genpiak ua lunglut taka pangte chu lawkna tamtak tawh inlam

kile kit ngei ina'u.

Khawmpi hun sunga hin Upa Mangpu, Ex.Secereatary, CKKP. Upa ST. Liana, Ex. Leader, Rev. Haulalven, Tuithanak Bialtu pastor, Rev. Thanglianmang, Sadar Bialtu pastor, Rev. Siam Phaltual Executive Secretary leh Upa Liansawmthang out going leader te apat in Pathian thu leh la hawitak tak khanglaite'n maban ah kalsuan zelna dinga panlak dingdan pawimawte haw ei gen piak uh ahi.

Dt. 18th January, 2019 ni'n CKKP Golden Jubilee Souvenir chu Rev. B. Lala, Khuga Bialtu pastor in hawanna nei in, Upa Pauchungnung Vaiphei Chief editor, apat Souvenir genlatna hun nei ahi.

Dt. 19th January, 2019 ni'n Upa Khupmang, Moderator KSP in Golden Jubilee Suang leh Tablet hawanna nei in Jubilee Choir apat Jubilee lapi "Tuan ah pi leh pute" ti la kilawm takin ngaithak ahi. KSP puitute, Central PWF puitute, CKKP puitu masate leh tuhun ah CKKP puitute chun Jubilee dak sawmnga (50) vei khetna hun mat ahi. CKKP Leader masa mualliamtate leh a dam nalaite chawihawina in Memento piakna leh a insung- mite a dinga pauchap piakna hun Upa Soilianthang Secretary Sr. KSP in anei hi.

Dt. 20th January 2019 ni'n Rev. Thanglianmang, Sadar Bialtu pastor guanggalna in Lalpa Anthiang ah kipawl khawmna hun nei a hi. KSP leh CKKP khangthu a dinga amasapen dingin Khanglai mi 22 Pathian lekhabu Thiangtho mani khutzik ngei ah ziktute kiangah kipakman thilpiak piakna nei ahi.

KKP Sadar District Praise and worship team mawpuakna piak ahiu tawh kitawn in Kikhawpna leh fellowship hun zosia mapui in Pathian chawina la lim leh lam kawmin khanglaite'n Pathian chawihawina hun matsek ahi.

Khawmpi hun sung zosia ahin Pathian Thagau mapuina zal in Khanglaite hawn lim leh lam in Pathian chawihawi in Thagau pawlna chang kawm in hun aki mang hi.

CKKP 5th Biennial leh 52nd Conference cum Golden Jubilee lawpna program lawting takah mangthei ah i um tak zia kun Lalpa Pathian chu Lopina changta hen. Program lawtin theina dinga panlatute, Kochuam nu-leh-pa chuleh khanglaite tawmngai takah Pathian ala kotute zal ahi zia kin a chungun Pathian min in kipak thu i gen ui. Khawmpi program lawtinsaktu khanglai tawmngai takah hung kalsuantute chungin kipak thu i gen ua, chuleh KSP magazine Damna Aw Editorial Board in CKKP Golden Jubilee lawpna dinga thusua leh chialna a pawimaw dan zil ah a hun suklat zel zia kunle Pathian min in kipak thu i gen ui.

Pathian in i chungua a thilbawl lopitakte zia kah Khangthakte'n i gensawn zel theina dingun Pathian chu bel tak ahi dan hia in lithuk lam zuan in i lente'u sep hitiu.

.....xXx.....

Kua'n Bang gen..:-

Naupangte nektei man le pungta, Thagau pawlna changa la lâмна le kum sawttak hita, himaleh biakna kikhawpna thawlawm ₹. 10/- la piak pung diaklo, ₹. 10 piak addict gingtu i tam ui.

~ By: Evan. Lalnunsangi@Sangtei

KSP DIARY:

1. Office renovation bawl ahi:

Office pua thakna chu Khristmas leh Kumthak kal, Dt. 26/12/2018 apat a nei ahin, ziana haksa takmai hi Kangvai KKP in sun leh zan ah sem in, nisin in mi 20 val a kuan zing un Dt. 03/01/2019 ni'n a zotau ahi

2. Tispari Mission Field ah Quarters leh School sak ahi:

Tispari mission Field ah kochuamte'n Lalgamna i sepna-teu malam sawnjel in Pastor Quarters ding leh School In ding chu February tha bul ah sakzaw tei dinga malak ahi.

School In ding hi Nghathal kochuam in foundation ei bawl piak un, Tangmual kochuam in a In gupi ei tungdaw piak ui. Pathian panpina zal ah School lut hun masanga zaw ding chu kinepna ahi.

3. Kochuam upa ding telna nei ahi:

Dt. 6th January 2019(Pathianni) in kochuam chuam chuam ah belampu(kochuam upa ding) telna nei ahin. Kochuam khenkhat in lawtinglo maleu hin Lalpan kochuam upa ding in mi....ei piak be ahi. Amau hi 62nd KSP Annual Session, Tangmual ah ordination piak hiding ahiu.

4. CKKP Golden Jubilee matzaw ahitai:

Dt. 17th-20th January 2019 sungin Leilon Presbyterian church zintunna in Golden Jubilee chu nuamtak mat zaw ahitai. Zia hun ahin Upa Khupmang Moderator in Jubilee suang hawnna a nei hi. Jubilee hun ahin Khanglaiten taksa leh thagau lam a malzawlna a dawng uh ahi.

5. PWF.KSP in Revival Crusade nei:

Dt. 24th-27th January 2019 sung in S.Kotlian Presbyterian Church zintunna in PWF in Revival Crusade programme a guanggal uh chu mat ahi. Zia hun ahin Nk. Sangtei chu speaker in apang hi. Kochuamte'n Thagau pawlna changin hun nuam taka matzaw ahi.

.....xXx.....

'DAMNA AW' PHUNGVUKTUTE :

PATRON MEMBERS :

- | | |
|-----------------------|----------------------|
| 1. Pu P.Vaiphei IAS, | Imphal |
| 2. Upa Henthianthang, | S.Kotlian |
| 3. T.Upa Haulallawm | S.Kotlian |
| 4. Upa Laltinkhup, | HQ. Church, Tuibuang |
| 5. Pi Manliankim, | HQ. Church, Tuibuang |
| 6. Nk. Lalsangpui, | S.Kotlian |
| 7. Upa D. Mina, | Lingsiphai |
| 8. T.Upa Ph. Gena, | Lingsiphai |
| 9. Pu. Khamlal | Saipum |
| 10. Pu Khamliankap | Saipum |
| 11. Pu. S.Kapbawi | New Delhi |

MEMORIAL GIFT :

- | | |
|---------------------|--|
| 1. Pi Deem Melody, | Central Church, (Rengkai)
<i>[in loving memory of (L) Upa Lamthianlal]</i> |
| 2. Pi Rebekah | Kangvai
<i>[In loving memory of (L) Pastor Khaivung]</i> |
| 3. Upa Liansomthang | Lingsiphai
<i>[In loving memory of (L) Pu. Henzagen]</i> |

SUPPORTING MEMBERS :

- | | |
|-----------------------|-----------------|
| 1. Upa Khomlunlal | S.Kotlian, |
| 2. Pu. S.Thangminlian | Lingsiphai, |
| 3. Pu Lelboi, | Lingsiphai |
| 4. T.Upa Lalneilian | Central Church, |
| 5. Pu EL Soson | Central Church |
| 6. T.Upa Genminthang, | Central Church, |
| 7. Pi Kimneihawi | Saipum |
| 8. T.Upa J. Mark | Saipum |
| 9. Pu Genthiankap, | Nghathal |
| 10. Pu Lianzakhup | Nghathal. |

ENCOURAGERS :

- | | |
|------------------------|--------------------------------|
| 1. Pu P. Kamneilian, | Lingsiphai |
| 2. Pastor Kaiminlian, | L. Saronphai |
| 3. Upa K.Thanga, | Kangvai |
| 4. T.Upa Manglem, | Kangvai |
| 5. Upa S.Bela Capvung, | Kangvai |
| 6. T.Upa David, | HQ Church, Tuibuang |
| 7. T.Upa Khupneu, | HQ Church, Tuibuang |
| 8. T.Upa Zamthamuan | HQ Church. Tuibuang |
| 9. Pu Lamthianlun, | Central Church, Compound Veng, |
| 10. Pu Vendam, | Central Church, Compound Veng, |
| 11. Pu Haudal, | Nghathal |
| 12. Pu Khamliankhual, | Nghathal |
| 13. Pi Mary Vaiphei, | Nghahal |